

## Akashvani, Sambalpur

### SAMBALPURI NEWS EVENING BULLETIN

22 February 2026-7.02- 7.12 pm.

---

୧- ଭାରତର କୃତ୍ରିମ ବୁଦ୍ଧିମତା ପ୍ରଭାବ୍ ସମ୍ମିଳନୀ ଭବିଷ୍ୟତ୍ ଏଆଇର ବେଭାର୍ ଲାଗି ରାହା ଦେଖେଇଛେ- କହେଲେ ପ୍ରଧାନମନ୍ତ୍ରୀ ।

- ଆକାଶବାଣୀର ଶହେ ୩୧ ନମ୍ବର ମନ୍ କି ବାଡ୍ ସଂସ୍କରଣ୍ ସୁନ୍ଦରଗଡ୍ ଜିଲ୍ଲାର୍ ଯୁବତାଷୀ ହୀରୋଦ୍ ପଟେଲ୍ଙ୍କୁ କଲେ ପ୍ରଶଂସା ।

୨- ମୁଖ୍ୟମନ୍ତ୍ରୀ ଶିକ୍ଷା ପୁରସ୍କାର୍ ଲାଗି ଆବେଦନ୍ ସମିଆ ବଡ୍ଲା ଇ ମାସର୍ ୨୮ ତାରିଖ୍ତକ୍ ।

୩- ଝାରସୁଗୁଡ଼ା ନ ସଡ୍କ୍ ଦୁର୍ଘଟଣାୟ୍ ୫ ଝନ୍ ପୁଲିସ୍ କର୍ମୀଙ୍କର୍ ମୃତ୍ୟୁ ।

- ମୁଖ୍ୟମନ୍ତ୍ରୀଙ୍କର୍ ରିଲିଫ୍ ପାଣ୍ଡିନ୍ ୫ ଲାଖ୍ ଟଙ୍କା ଲେଖା ଅନୁକମ୍ପା ସାହାଜ୍ ଘୋଷ୍ଟନା କଲେ ମୁଖ୍ୟମନ୍ତ୍ରୀ ।

ଆଉର୍

୪- ଟି-ଡ଼ୋଟି କ୍ରିକେଟ୍ ପୁରୁଷ ବିଶ୍ୱକପ୍ ଅହମଦାବାଦ୍ ନ  
ଚାଲିଛେ ଭାରତ୍ -ଦକ୍ଷିଣ ଆଫ୍ରିକା ଭିତ୍ରେ ମେଚ୍ ।

ମନ୍ କି ବାତ୍ ଏନ୍ଏସ୍ଡି

ଭାରତ୍ କୃତ୍ରିମ ବୁଦ୍ଧିମତା ପ୍ରଭାବ୍ ସମ୍ମିଳନୀ ଭବିଷ୍ୟତ୍ ଏଆଇଆର ବେଭାର୍ ଲାଗି ରାହା ଦେଖେଇଛେ ବଳି ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ କହିଛନ୍ । ଆକାଶବାଣୀର ମନ୍ କି ବାତ୍ କାର୍ଯ୍ୟକ୍ରମ୍ ଆଏଜ୍ ଦେଶ୍ବାସୀଙ୍କର୍ ସାଙ୍ଗେ ଭାବ୍ ବିନିମୟ କରିକରି ପ୍ରଧାନମନ୍ତ୍ରୀ କହିଛନ୍, ବହୁତ୍ଟେ ରାଷ୍ଟ୍ର ନେତା, ଉଦ୍ୟୋଗୀ, ନବସୃଜନକାରୀ ଆଉ ସ୍ଟାର୍ଟଅପ୍ କ୍ଷେତ୍ର ସହେତେ ସାମିଲ୍ ବ୍ୟକ୍ତିଗଣେ ଇ ସମ୍ମିଳନୀଥ୍ ଏକଠାନ୍ଥା ହେଇଥିଲେ । କୃତ୍ରିମ ବୁଦ୍ଧିମତାର୍ ସାହାଜ୍ ଭାରତ୍ ପୁରାତନ୍ ଗ୍ରନ୍ଥ, ପାଣ୍ଡୁଲିପି ଆଉ ତଥ୍ୟମାନ୍କୁ ସାଇଜିକରି ରଖ୍ବାର୍ ଲାଗି ନେଇଥିବା ପଦକ୍ଷେପ୍ କେ ଭିନ୍ ଭିନ୍ ରାଷ୍ଟ୍ର ସ୍ବାଗତ୍ କରିଛନ୍ । ଇ ବାବ୍ଦେ ଶ୍ରୀ ମୋଦୀ କହିଛନ୍...

(ଭଏସ୍ ଓଭର୍- ଏଆଇ)

ଏଥାଇ ପ୍ରଦର୍ଶନୀଥୁ ଅମୂଲ୍ୟ ପ୍ରଦର୍ଶନୀ ମଣ୍ଡପ ଆଉ ସୁଶୁଭ  
ସଂହିତା ବାବଦ୍ ବିବରଣୀ ଉପସ୍ଥାପନା ସମ୍ପୂର୍ଣ୍ଣ ପ୍ରଭାବିତ୍ କରିଛେ ।  
ପ୍ରଧାନମନ୍ତ୍ରୀ କହିଛନ୍ତି, ଇ ସମ୍ମିଳନୀଥୁ କୃତ୍ରିମ ବୁଦ୍ଧିମତା କ୍ଷେତ୍ରଥୁ  
ଭାରତର କ୍ଷମତା ବାବଦେ ସାରା ପୁରୁଥୁ ଜାନ୍‌ବାର୍‌କେ ପାଏଲା ।  
ସମ୍ମିଳନୀ ଅବସରେ ଭାରତ୍ ମୂଲ୍ କରିଥୁବା ୩ ଟା ମେକ୍ ଇନ୍  
ଇଣ୍ଡିଆ ଏଥାଇ ମୋଡେଲ୍ ବାବଦେ ସାରା ପୁରୁଥୁ ଜାନ୍‌ବାର୍‌କେ  
ପାଇଛେ । ପ୍ରଧାନମନ୍ତ୍ରୀ କହିଛନ୍ତି, ଦେଶର ଚାଷୀ ଇହାଦେ  
ଉତ୍ପାଦନ୍ ସହେତେ ଗୁଣାବତା, ମୂଲ୍ୟଶୃଙ୍ଖଳ ଆଉ ନୂଆଁ ବଜାର୍  
ଉପରେ ଧ୍ୟାନ ଦେଉଛନ୍ତି ।

ସୁନ୍ଦରଗଡ୍ ଜିଲ୍ଲା ରତନପୁରର ଯୁବଚାଷୀ ହୀରୋଦ୍  
ପଟେଲ୍‌ଙ୍କର ଚାଷ କାମ୍ ଉପରେ ଜୋର ଦେଇକରି ଶ୍ରୀ ମୋଦୀ  
କହିଛନ୍ତି, ଜମିର ଉଚିତ୍ ବେତାର୍ ଜଳସଂଚୟ ଆଉ ଅଏତ୍‌କା  
କମାନୀର ସମ୍ଭାବନାକେ ଶ୍ରୀ ପଟେଲ୍ ସାକାର୍ କରିପାରିଛନ୍ତି ।  
ତାଙ୍କର ଫାର୍ମର ପୋଖରୀ ଉପରେ ଚାଲି ଲଗେଇକରି ଲତା  
ପନିପରିବା ଚାଷ କରିଛନ୍ତି । ପୋଖରୀର ଚାରିଆଡ଼େ କଦେଲ୍,  
ସୁପାରି ଆର୍ ନଡ଼ିଆ ଗଛ ଲଗାବାର୍ ସହେତେ ପୋଖରୀର ନ  
ମାଛ ଚାଷ କରୁଛନ୍ତି । ଦୂରିଆନୁ ଚାଷୀମାନେ ତାଙ୍କର ଇ

ଚେରେଷ୍ଟାକେ ଗ୍ରହଣ୍ କରବାର୍ ଲାଗି ପାର୍ମ ହାଉସ୍ ବୁଲି  
ଦେଖୁଛନ୍ ।

(ଭଏସ୍ ଓଭର- ଚାଷୀ)

ମନ୍ କି ବାଉଥ୍ ପ୍ରଧାନମନ୍ତ୍ରୀଙ୍କର୍ ମୁହୁଁନ୍ ନିଜର୍ ପ୍ରଶଂସା  
ଶୁନିକରି ଚାଷୀ ହୀରୋଦ୍ ପଟେଲ୍ ଖୁସି ଜାହିର୍ କରିଛନ୍ ।

(ଭଏସ୍ ଓଭର- ହୀରୋଦ୍ ପଟେଲ୍)

ଇ ଅବସରେ ଶ୍ରୀ ମୋଦୀ କେରଳ ଆଉ ଦେଶର୍ ଅଲଗା  
ଜାଗାମାନକର୍ କୃଷି ଦରବ୍ ଉପ୍ରେ ଆଲୋକ୍ପାତ କରିଛନ୍ । ଇ  
ଦରବ୍ ସବୁ ଇହାଦେ ଆକାଶ୍ପଥ ନ ବହୁତ୍ ସହଜ୍ଥ୍ ବିଦେଶ୍ କେ  
ପୁହୁଁଚିପାରିଛେ । ଶ୍ରୀ ମୋଦୀ କୃଷି ଦରବ୍ ମାନକର୍ ସ୍ବାଦ,  
ଗୁଣବତା ଆଉ ଜିଆଇ ଟେଗ୍ ଉପ୍ରେ ଜୋର୍ ଦେଇଛନ୍ ।

ଡିଜିଟାଲ୍ ଠକେଇ ଉପ୍ରେ ଶ୍ରୀ ମୋଦୀ କହିଛନ୍,  
ଇଥିର୍ଲାଗି ସଭେ ସଚେତନ୍ ହେବାର୍ ଦରକାର୍ । କେଡ୍ଡାଇସି କି  
ଫେରଘାଏ କେଡ୍ଡାଇସି ଖାଲି ବେଙ୍କ୍ ଶାଖା ଆଉ ସରକାରୀ ଆପ୍  
ଆଉ ନିର୍ଦ୍ଧାରିତ୍ ମାଧ୍ୟମ୍ ବେଭାର୍ କରବାର୍ ଉପ୍ରେ ଶ୍ରୀ ମୋଦୀ  
ଜୋର୍ ଦେଇଛନ୍ ।

ଓଟିପି, ଆଧାର୍ ନମ୍ବର୍, କି ବେଙ୍କ୍ ଏକାଡ଼ଂଗ୍ ସୁର୍ନା ଅଲଗା  
କାହାରିକେ ନାହିଁ ଦେବାର୍ କେ ସେ ପରାମର୍ଶ ଦେଇଛନ୍ । ଇତାକେ

ନେଜର୍ଥୁ ରଖୁକରି ଭାରତୀୟ ରିଜର୍ଭ ବେଙ୍କ୍ ଇହାଦେ ଗୁଟେ  
ଆର୍ଥିକ୍ ସାକ୍ଷରତା ସପ୍ତାହ ପାଳନ୍ କରିଛେ ବଳି ପ୍ରଧାନମନ୍ତ୍ରୀ  
କହିଛନ୍ । ଏନ୍ତା ଅଭିଯାନ ବରସ୍ ବ୍ୟାପୀ ଜାରି ରହେବା ବଳି  
ପ୍ରଧାନମନ୍ତ୍ରୀ ତାଙ୍କର୍ ସମ୍ବୋଧନ୍ଥୁ କହିଛନ୍ ।

ଛାତ୍ରଛାତ୍ରୀମାନଙ୍କୁ ଚାପଗ୍ରସ୍ତ ନାଇଁ ହେଇକରି ଆନ୍ତରିକ୍ ଆଉ  
ମାନସିକ ଦୃଢ଼ତାର୍ ସହେତେ ପରୀକ୍ଷା ଦେବାର୍କେ ପ୍ରଧାନମନ୍ତ୍ରୀ  
ପରାମର୍ଶ ଦେଇଛନ୍ । ପରିଶ୍ରମ୍ ର ମୂଲ୍ୟ ଖାଲି ମାର୍କିଥୁ ଧାରିକ୍  
ନାଇଁହୁଏ, ବରଂ ଆତ୍ମବିଶ୍ୱାସ୍ ହିଁ ଛାତ୍ରଛାତ୍ରୀମାନଙ୍କୁ ସଫଳତାର୍  
ସିଦ୍ଧାଥୁ ପୁଞ୍ଜୁଟାବା ବଳି ଶ୍ରୀ ମୋଦୀ କହିଛନ୍ ।

(ଭଏସ୍ ଓଭର୍- ପରୀକ୍ଷା ପେ ଚର୍ଚ୍ଚା)

ରମ୍ଜାନ ଆଉ ହୋଲି ପରବ୍ ଅବ୍ସରେ ପ୍ରଧାନମନ୍ତ୍ରୀ ଶ୍ରୀ ମୋଦୀ  
ସମ୍ବୁ ଭୋକାଲ୍ ଫର୍ ଲୋକାଲ୍ କେ ଅପ୍ନାବାର୍ ଲାଗି  
ଆହ୍ୱାନ ଦେଇଛନ୍ ।

ମୁଖ୍ୟମନ୍ତ୍ରୀ ଶିକ୍ଷା ପୁରସ୍କାର୍

ଆଇ.ଆର୍.ପି.ଆର୍

ମୁଖ୍ୟମନ୍ତ୍ରୀ ଶିକ୍ଷା ପୁରସ୍କାର ୨୦୨୫-୨୬ ଅଧୀନଥି ସବୁ ପୁରସ୍କାର  
ଲାଗି ଆବେଦନ ସମିଆ ଆଏବା ୨୮କେ ବଢ଼ାଯାଇଛି ।  
ଯୋଗ୍ୟ ଆବେଦନକାରୀମାନେ ଇତାର ୱେବସାଇଟ୍  
[www.msp.odisha.gov.in](http://www.msp.odisha.gov.in) ଥି ଆବେଦନ  
କରିପାରବେ । ଜିଲ୍ଲା ଶିକ୍ଷା ଅଧିକାରୀ ଆଉ ବ୍ଲକ୍ ଶିକ୍ଷା  
ଅଧିକାରୀମାନଙ୍କର ଲାଗି ଆବେଦନଥି କୋହଳ  
କରାଯାଇଛି ।

ଦୁର୍ଘଟଣା- ୫ ପୁଲିସ୍ କର୍ମୀ ନିହତ ଝାରସୁଗୁଡ଼ା ସମ୍ବାଦଦାତା

ଝାରସୁଗୁଡ଼ା ସଦର ଥାନା ଆଗାଡ଼େ ଆଏଜ୍ ପହପହନୁ  
ଘଟିଥିବା ସଡ଼କ୍ ଦୁର୍ଘଟଣାଥି ୫ ଝନ ପୁଲିସ୍ କର୍ମଚାରୀଙ୍କର ଜୀବନ  
ଯାଇଛି । ଉଲଟା ଆଡୁ ଜୋରସେ ଆସୁଥିବା ଟ୍ରଲର୍ ସହେତେ  
ପୁଲିସ୍ ଗାଡ଼ିର ଧକ୍କା ହେବାରନୁ ଦୁର୍ଘଟଣା ଘଟିଥିଲା ।  
ଘଟଣାଜାଗାନ୍ ୫ ଝନଙ୍କର ଜୀବନ ଯାଇଥିବାର ବେଲେ ୩ ଝନ  
ଗୁରୁତରକୁ ଝାରସୁଗୁଡ଼ା ମୁଖ୍ୟ ଚିକିତ୍ସାଳୟ ନ ଭର୍ତ୍ତି କରାଯାଇଛି ।  
ଉଚ୍ଚପଦସ୍ଥ ପୁଲିସ୍ ଅଧିକାରୀ ଘଟଣା ଜାଗା ନ ପୁହୁଁଚିକରି ଥିତିର

ଅନୁଧ୍ୟାନ କରିଛନ୍ । ଦୁର୍ଦ୍ଦାଟଣାକେ ନେଇକରି ରାଜ୍ୟପାଲ୍ ଡକ୍ଟର  
ହରିବାରୁ କମ୍ପ୍ୟୁଟାଟି ଶୋକପ୍ରକାଶ୍ କରିଛନ୍ ।

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ଦୁଖ ପ୍ରକାଶ୍ କରବାର୍  
ସହେତେ କର୍ମଚାରୀମାନକର୍ ପରିବାର୍ ଲୁକ୍କୁ ମୁଖ୍ୟମନ୍ତ୍ରୀ ରିଲିଫ୍  
ପାଣ୍ଡିନ୍ନୁ ଝ ଲାଖ୍ ଟଙ୍କା ଲେଖା ଅନୁକମ୍ପା ମୂଲକ୍ ସାହାଜ୍ ଘୋଷ୍ଟନା  
କରିଛନ୍ ।

ସେଆଡ଼େ କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ, ରାଜସ୍ଵ ମନ୍ତ୍ରୀ  
ସୁରେଶ୍ ପୂଜାରୀ ଆଉ ଝାର୍ସୁଗୁଡ଼ା ବିଧାୟକ୍ ଟଙ୍କଧର  
ତ୍ରିପାଠୀ ପ୍ରମୁଖ ଶୋକପ୍ରକାଶ୍ କରବାର୍ ସହେତେ ପରିବାର୍  
ଲୁକ୍କୁ ସମବେଦନା ଜନେଇଛନ୍ ।

ମହାବିଦ୍ୟାଳୟ-ଆତ୍ମରକ୍ଷା ତାଲିମ୍ ହି.ସ.

ରାଜ୍ୟର୍ ସବୁ ମହାବିଦ୍ୟାଳୟମାନକେ ଆଏବା ମାର୍ଚ୍ଚ ୩୧  
ତାରିଖ୍ତକ୍ ଛାତ୍ରୀମାନକର୍ ଆତ୍ମରକ୍ଷା ତାଲିମ୍ କାର୍ଯ୍ୟକ୍ରମ୍  
ଆୟୋଜନ୍ କରବାରକେ ଉଚ୍ଚଶିକ୍ଷା ବିଭାଗ୍ ତରଫୁ ନିର୍ଦ୍ଦେଶ୍  
ଜାରି କରାଯାଇଛେ । ଇଥିର୍ଲାଗି ସବୁ କଲେଜ୍ ଅଧକ୍ଷକ୍କୁ

ଚିଠି କରାଯାଇଛି । ମହିଳା ଛାତ୍ରୀମାନଙ୍କର ସୁରକ୍ଷା ଆଉ ସଶକ୍ତିକରଣକେ ନଜରୁ ରଖିକରି ସେଲୁ ଡିପେନ୍ସ ପ୍ରଶିକ୍ଷଣ କାର୍ଯ୍ୟକ୍ରମକେ ଆଏବା ମାର୍ଚ୍ଚ ୩୧ ଭିତ୍ରେ ପୁରା କରାଯିବା ବଳି ଚିଠିଥି ଉଲ୍ଲେଖ ଅଛି । ସେନ୍ତା ଏପ୍ରିଲ ୩୦ ତକ ଏର୍ଥାଇଏମ୍ଏସ୍ ପୋର୍ଟାଲ୍ଥି କାର୍ଯ୍ୟକ୍ରମ ବାବଦ୍ ସବୁ ତଥ୍ୟ ଅପ୍ଲୋଡ୍ କର୍ବାରକେ କଲେଜ୍ ମାନକୁ ନିର୍ଦ୍ଦେଶ ଦିଆଯାଇଛି ।

ବଜେଟ୍- ସ୍ଵାସ୍ଥ୍ୟମନ୍ତ୍ରୀ

ପୁରୀ ସମ୍ବାଦଦାତା

ରାଜ୍ୟ ବଜେଟ୍କେ ନେଇକରି ପୁରୀ ସର୍କିଟ୍ ହାଉସ୍ ନ ସ୍ଵାସ୍ଥ୍ୟମନ୍ତ୍ରୀ ତକ୍ଟର ମୁକେଶ୍ ମହାଲିଙ୍ଗ୍ ସାମ୍ବାଦିକ୍ ସମ୍ମିଳନୀଥି କହିଛନ୍, ୩ ଲାଖ ୧୦ କୋଟି ଟଙ୍କାର ବଜେଟ୍ଥି ଶିକ୍ଷା, ସ୍ଵାସ୍ଥ୍ୟ, କୃଷି ଆଉ ଗାଁର ଉନ୍ନତିକେ ଜୋର୍ ଦିଆଯାଇଛି । ମହାପ୍ରଭୁଙ୍କର ସଂଗ୍ରହାଳୟ ଲାଗି ୧ ହଜାର କୋଟି, କୁଜ୍ ଟର୍ମିନାଲ୍ ଲାଗି ୫ ଶହ କୋଟି ଆଉ ପର୍ଯ୍ୟଟନ୍ର ଉନ୍ନତି ଲାଗି ଶାମୁକା ପ୍ରକଳ୍ପର ଘୋଷ୍ଣନା କରାଯାଇଛି । ୨୦୨୭ ମସିହାତକ୍ ଫି' ଗାଁକେ

ପିଇବାର ପାଏନ୍, ୫ ଟା ବର୍ଷ୍ଟି ୟୁନିଟ୍, ନୂଆଁ ମେଡ଼ିକାଲ୍ କଲେଜ୍ ଆଉ କେନ୍ସର୍ ଚିକିତ୍ସା ଲାଗି ୩ ଶହ ୧୧ କୋଟି ଟଙ୍କା ବ୍ୟୟ ଘୋଷ୍ଣା କରାଯାଇଛି ବଳି ମନ୍ତ୍ରୀ ଶ୍ରୀ ମହାଲିଙ୍ଗ୍ କହିଛନ୍ ।

ବିଶ୍ୱ ଷ୍ଟାଉଟ୍ ଦିବସ      ଆର୍ୟନ୍ୟୁ/ ସମ୍ବଲପୁର

ୟୁବବର୍ଗଙ୍କର ଉତ୍ତରେ ଆତ୍ମବିଶ୍ୱାସ, ଅନୁଶାସନ୍ ଆଉ ସମାଜସେବା ଭାବନା ସୃଷ୍ଟି ସହେତେ ଷ୍ଟାଉଟ୍ ମୂଲ୍ୟବୋଧକେ ବଢ଼ାବାର ଉଦ୍ଦେଶ୍ଯ ଆଏଜ୍ ବିଶ୍ୱ ଷ୍ଟାଉଟ୍ ଦିବସ୍ ପାଳନ୍ କରାଯାଉଛି । ଷ୍ଟାଉଟ୍‌ର ମୁଖ୍ୟ ଆଦର୍ଶ ବାକ୍ୟ ହେଉଛି ‘ପ୍ରସ୍ତୁତ ରୁହ’ । ଷ୍ଟାଉଟ୍‌ମାନକୁ ସେମାନଙ୍କର କର୍ତ୍ତବ୍ୟ ପ୍ରତି ସବୁବେଳେ ମାନସିକ ଆଉ ଶାରୀରିକ ସ୍ତର୍ଥ୍ତ୍ ସଚେତନ୍ ରହେବାର ଲାଗି ପ୍ରେରଣା ୟୁଗାସି । ପୁର୍ଥ୍ ନ ଷ୍ଟାଉଟ୍ ଆନ୍ଦୋଳନ୍‌ର ସଂସ୍ଥାପକ ଲର୍ଡ୍ ରବର୍ଟ୍ ବେଡ଼େନ ଓୟେଲ୍‌ଙ୍କର ଜୟନ୍ତୀ ଅବ୍‌ସରେ ଆଝିର୍ ଦିନ୍‌କେ ବିଶ୍ୱ ଷ୍ଟାଉଟ୍ ଦିବସ୍ ଭାବେ ପାଳନ୍ କରାଯାଏସି ।

ବିଦ୍ୟୁତ୍ ସମସ୍ୟା

ନୂଆପଡ଼ା ସମ୍ବାଦଦାତା

ନୂଆପଡ଼ା ଓପିଟିସିଏଲ୍‌ର ଗ୍ରୀଡ଼୍‌ର କ୍ଷମତା ଉନ୍ନତି ଲାଗି ଚାଲିଥିବା ତିଆରି କାମ ପୁରା ହେଇଛି । ନୂଆଁ ଟ୍ରାନ୍ସଫର୍ମର୍ କାର୍ଯ୍ୟକ୍ଷମ ହେବାରୁ ଏତକର ନୂଆଁପଡ଼ା ଆଉ କୋମ୍‌ନା ବୁକ୍ ନ ବିଦ୍ୟୁତ୍ କାଟ୍ ସମସ୍ୟା ନାହିଁ ରହେ ବଳି ଜିଲ୍ଲାପାଲ୍ ମଧୁସୂଦନ୍ ଦାସ କହିଛନ୍ ।

ଟି-ଟ୍ରେଡି ପୁରୁଷ ବିଶ୍ୱକପ

ଆରବନ୍‌ସ୍ଟୁ/ ସମ୍ବଲପୁର

ଟି-ଟ୍ରେଡି ପୁରୁଷ ବିଶ୍ୱକପ କ୍ରିକେଟ୍‌ର ସୁପର୍ -୮ ଥି ଆଏଜ୍ ଅହମଦାବାଦ୍‌ର ନରେନ୍ଦ୍ରମୋଦୀ ଷ୍ଟାଡ଼ିୟମ୍ ନ ଭାରତ୍ ଆଉ ଦକ୍ଷିଣ ଆଫ୍ରିକା ଭିତ୍ରେ ମେଚ୍ ମୁଲ୍ ହେଇଛି । ଦକ୍ଷିଣ ଆଫ୍ରିକା ଟସ୍ ଜିତିକରି ପହେଲା ବେଟି କରବାର୍‌କେ ନିଷ୍ପତି ନେଇଛି ।

ପାଣିପାଗ      ଆରୁଦ୍ଧ/ ସମ୍ବଳପୁର

ରାଏଜେ ଦିନର ତାପମାତ୍ରା ବହୁବାରକେ ଲାଗିଛି । ପାଣିପାଗ  
ବିଭାଗର ସୂଚନା ଅନୁସାରେ ଆଏବା ବୁଧବାରତକ୍  
ତାପମାତ୍ରା ୨ ରୁ ୩ ଡିଗ୍ରୀ ତକ୍ ବହୁବା । ସେଆଡ଼େ ପଶ୍ଚିମ  
ଓଡ଼ିଶାର ଜିଲ୍ଲାମାନଙ୍କେ ତାପମାତ୍ରା ଧୂରେ ଧୂରେ ବହୁଛି । ଇ  
ବହୁର ଚିଟିଲାଗଡ଼, ଝାରସୁଗୁଡ଼ା, ଭବାନୀପାଟ୍ଣା ବାଗିର  
ସହରମାନଙ୍କେ ତାପମାତ୍ରା ୩୫ ଡିଗ୍ରୀ ସେଲ୍‌ସିଅସ୍ ପାର  
କରିସାରଲାନ ।